


LOURDES NOYA FERREIRO, SECRETARIA XERAL DA UNIVERSIDADE DE SANTIAGO DE COMPOSTELA,


CERTIFICA, antes da aprobación da acta correspondente, que o Consello de Goberno, na sesión do 22 de decembro de 2011, aprobou a modificación do acordo sobre recoñecemento de créditos pola participación en actividades, ao abeiro do artigo 12.8 do Real Decreto 1393/2007, do 29 de outubro, nos termos do documento adxunto.

E para que así conste, asino a presente certificación en Santiago de Compostela a 2 de xaneiro de dous mil doce, con Vº e prace do Sr. reitor.

Vº e prace  
O reitor



Juan J. Casares Long



**MODIFICACIÓN DO ACORDO SOBRE RECOÑECEMENTO DE CRÉDITOS  
POLA PARTICIPACIÓN EN ACTIVIDADES, AO ABEIRO DO ARTIGO 12.8  
DO REAL DECRETO 1393/2007, DO 29 DE OUTUBRO**

*(Modificación do Acordo de Consello de Goberno do 4 de xullo de 2008)*

O Consello de Goberno da USC, na súa sesión do 4 de xullo de 2008 estableceu o sistema xeral de recoñecemento de créditos ao abeiro do artigo 12.8 do Real Decreto 1393/2007, do 29 de outubro.

No anexo I se recollen as actividades culturais e entre estas, as de Cursos de Verán. O texto orixinal do anexo só permitía recoñecer os cursos de verán da propia USC, pese a que tradicionalmente e para libre elección se recoñeceron Cursos de Verán das universidades galegas ou de universidades con longa tradición neste tipo de cursos. En consecuencia, procede ampliar esta consideración e recoñecer Cursos de Verán doutras universidades considerados equivalentes aos da USC tanto en duración como en competencias.

No anexo II sobre a acreditación do coñecemento dunha lingua estranxeira para a obtención do título do Grao, establécese que os estudantes de todas as titulacións de Grao deberán acreditar obrigatoriamente, para a obtención do seu título, o coñecemento do nivel B1 (Marco Común Europeo para o ensino, aprendizaxe e avaliación das linguas) dunha lingua estranxeira. Tamén establece que os alumnos e alumnas que finalicen un grao que inclúa un *maior* ou un *minor* dunha lingua estranxeira terán automaticamente validado este coñecemento, non sendo necesario acreditalo. Posteriormente e a proposta da Comisión Xeral de Validacións e Recoñecementos da USC foi ampliada esta exención aos titulados de plans anteriores das Licenciaturas en Filoloxías en linguas estranxeiras, Tradución e Interpretación e aos Mestres en Lingua Estranxeira, así como cando se teñan superadas materias de linguas estranxeiras noutras titulacións sempre que proporcionen competencias lingüísticas instrumentais e o número mínimo de créditos da totalidade das materias estea entre 27 e 30 créditos.

Ademais, na Orde Ministerial ECI/3858/2007, do 27 de decembro de 2007 (BOE do 29 de decembro) polo que se establecen os requisitos para a verificación dos títulos universitarios oficiais que habiliten para o exercicio das profesións de Profesor de Educación Secundaria Obrigatoria e Bacharelato, Formación Profesional e Ensino de Idiomas, modificada pola Orde Ministerial EDU/3424/2009 de 11 de decembro de 2009 (BOE do 21 de decembro), establece que para obter este Máster deberá acreditarse o dominio dunha lingua estranxeira equivalente ao nivel B1 do Marco Común Europeo de Referencia para as Linguas, polo que foi necesario ampliar as normas de acreditación do nivel B1 a estes estudos.

Por Resolución Reitoral do 5/05/2009 concretouse o procedemento de recoñecemento de créditos ao abeiro do artigo 12.8 do Real Decreto 1393/2007, do 29 de outubro.

A experiencia adquirida nestes meses relacionada coa demostración dun determinado nivel de competencia lingüística tanto para os estudos de grao como no máster para o acceso ás profesións de Profesor de Educación Secundaria Obrigatoria e Bacharelato, Formación Profesional e Ensino de Idiomas fan necesario un cambio na regulación que axilice o recoñecemento e permita realizar as probas ao maior número de alumnos.

Aproveitase tamén para actualizar o procedemento de recoñecemento do programa de titores da USC.

Polo anteriormente exposto, o Consello de Goberno da USC na súa sesión de 22 de decembro de 2011 ACORDA:

**PRIMEIRO.-** Modifícase o “artigo 2.- Procedemento de imputación”, no seguinte senso

O procedemento de imputación poderá tramitarse do seguinte xeito:

- a) Solicitude do interesado/a perante os órganos correspondentes, indicando os datos de realización das actividades a recoñecer, expedición de credencial e remisión á Unidade de Xestión Académica correspondente e imputación no expediente do alumno/a, previo abono das taxas correspondentes.
- b) Realización da matrícula na actividade correspondente con abono dos prezos, acreditación da realización mediante a acta correspondente ou certificación e imputación no expediente do alumno/a.

**SEGUNDO.-** Modifícase o anexo I do Acordo do Consello de Goberno da USC, do 4 de xullo de 2008 no que se estableceu o sistema xeral de recoñecemento de créditos ao abeiro do artigo 12.8 do Real Decreto 1393/2007, do 29 de outubro que pasa a estar redactado do seguinte xeito.

*“ACTIVIDADES CULTURAIS*

**5.- CURSOS DE VERÁN**

*Ao alumnado que realice estes Cursos organizados pola USC se lle concederán 2 créditos por cada curso de 25 ou máis horas lectivas e 1 crédito polas actividades de menos de 25 horas. O Vicerreitorado competente en materia de Cultura, previo análise da documentación procederá a expedición da correspondente acreditación.*

*Ao alumnado que realice Cursos de Verán en outras universidades do Sistema Universitario de Galicia ou de Universidades que impartan este tipo de actividades, se lle concederán 2 créditos por cada curso de 25 ou máis horas lectivas, previa presentación da documentación que acredite*

*a duración do Curso e o seu contido lectivo, e sempre que nas outras universidades se recoñezan tamén os cursos de verán realizados na Universidade de Santiago de Compostela. Os interesados deberán aportar a acreditación fehaciente perante a Unidade de Xestión Académica para a súa imputación.”*

**TERCEIRO.-** Modifícase o anexo II sobre a acreditación do coñecemento dunha lingua estranxeira para a obtención do título do Grao, aprobado polo Consello de Goberno da USC, na súa sesión do 4 de xullo de 2008, no seguinte senso:

### **1. Necesidade de acreditación do nivel B1**

Os estudantes de todas as titulacións de Grao deberán acreditar obrigatoriamente, para a obtención do seu título, o coñecemento do nivel B1 (Marco Común Europeo para o ensino, aprendizaxe e avaliación das linguas, nivel soleira) dunha lingua estranxeira.

Para poder ser admitido no máster que habilite para o exercicio das profesións de Profesor de Educación Secundaria Obrigatoria e Bacharelato, Formación Profesional e Ensino de Idiomas é necesario acreditar previamente a matrícula definitiva o coñecemento do nivel B1 dunha lingua estranxeira.

### **2. Acreditación de idiomas de alumnado estranxeiro**

Os alumnos e alumnas estranxeiros deberán acreditar o coñecemento dunha lingua diferente á súa lingua materna. Para estes efectos poderase acreditar o coñecemento do castelán, da lingua galega, catalán ou euskera.

### **3. Acreditación de idiomas estranxeiros**

3.1. Os alumnos e alumnas que finalicen un grao na USC que inclúa un *major* ou *minor* dunha lingua estranxeira terán automaticamente recoñecido este coñecemento, non sendo necesario acreditalo.

3.2. Tamén estarán exentos de acreditar o coñecemento dunha lingua estranxeira os Licenciados e Licenciadas en Filoloxía pola USC, que inclúan o estudo dunha lingua estranxeira como materia obrigatoria para obter a titulación e os Mestres e Mestras en Lingua Estranxeira, a Licenciatura de Humanidades así como os que teñan superadas materias dunha lingua estranxeira noutras titulacións, sempre que proporcionen competencias lingüísticas instrumentais e o número mínimo de créditos da totalidade

destas materias dunha mesma lingua sexa de 27 créditos, computándose, para estes efectos, unicamente as materias propias desa titulación.

3.3 Se poderán recoñecer as competencias lingüísticas do nivel B1 polos idiomas ordinarios e técnicos que se imparten en diversas titulacións como créditos libre configuración curricular sempre que se cursaran un mínimo de 27 créditos nun mesmo idioma.

3.4. Poderán recoñecerse as competencias de nivel B1 dos títulos establecidos no anexo A do presente acordo. A actualización deste anexo realizarase por resolución reitoral.

3.5. Recoñeceranse os documentos acreditativos de superación do B1 expedidos por universidades públicas españolas.

3.6 Os demais alumnos deberán acreditar o coñecemento dunha lingua estranxeira por calquera dos seguintes procedementos:

**a.- Proba de competencia lingüística.**

A Universidade de Santiago de Compostela convocará todos os anos probas das linguas que oferta regularmente para a acreditación do nivel B1 dunha lingua estranxeira. As convocatorias poderán figurar na convocatoria de matrícula xeral.

A estas probas poderán presentarse tanto os alumnos e alumnas da USC como persoas alleas.

A cualificación das devanditas probas será de *apto* ou *non apto*.

A cumprimentación das actas realizarase conforme as normas que aprobe a Secretaría Xeral. Recepcionadas as actas na Unidade de Xestión Académica o resultado das probas figurará nos expedientes académicos coa seguinte mención “*Nivel B1 Idioma....., acreditado mediante a superación dunha proba no Centro de Linguas Modernas desta Universidade*”.

Así mesmo, a superación destas probas dará dereito a expedición dun diploma no que constará a información relativa aos coñecementos acreditados, conforme ao modelo que se acompaña.

**b.- Recoñecemento do B1 pola realización e superación de probas de idiomas en programas de mobilidade.**

Estarán exentos de realizar a proba de competencia lingüística B1 aqueles alumnos que estean a cursar estudos de grao (ou máster onde se esixa), que realizaran e superaran as probas de idioma previas a un programa de

movilidade e que realizaran a dita mobilidade, cumprindo os requisitos establecidos.

As Unidades de Xestión Académica incorporarán, despois da realización da mobilidade, os resultados destas probas nos expedientes dos alumnos de grao no apartado de “outros estudos”, indicando o nivel que acadaran nos distintos idiomas e o grao ó que se corresponden (B1, B2, C1 ou C2).

### **c.- Recoñecemento doutros títulos acreditativos de nivel de linguas estranxeiras**

Para o recoñecemento doutros títulos ou diplomas non contemplados no anexo A deste acordo ou nos supostos establecidos nos apartados 3.1, 3.2, 3.3, 3.4 e 3.5 do presente acordo, os interesados deberán solicitar perante as Unidades de Xestión Académica o recoñecemento do seu título, diploma ou certificación de lingua estranxeira acompañado do título orixinal, da que se fará copia compulsada, para a súa comprobación e trámite.

O recoñecemento solicitado aprobarase ou denegarase, previo informe do CLM e cos informes que se considere oportuno solicitar, mediante resolución reitoral da USC no prazo máximo de tres meses.

Terán preferencia de resolución as peticións de alumnos que soliciten praza no Máster Universitario en Profesorado de Educación Secundaria Obrigatoria e Bacharelato, Formación Profesional e Ensino de Idiomas, que deberá resolverse antes do inicio do prazo de solicitudes de admisión neste máster.

Nos expedientes académicos figurará a seguinte mención “*Nivel B1 Idioma....., acreditado mediante previo recoñecemento polo Centro de Linguas Modernas desta Universidade*”.

Na páxina web do CLM poderase publicar un listado dos títulos recoñecidos e non recoñecidos.

## **4. Acreditación do nivel B2 e superiores e efectos no expediente**

Os alumnos e alumnas que acrediten o nivel B2 dunha lingua estranxeira de acordo co establecido no Marco Común Europeo de Referencia poderán obter 2 créditoS ECTS, os que acrediten o nivel C1 3 créditos ECTS e os que acrediten o nivel C2 4 créditos ECTS. Esta acreditación poderase facer por calquera dos procedementos anteriormente descritos. O Centro de Linguas Modernas determinará os títulos equivalentes a este nivel. En todo caso recoñeceranse as acreditacións que se indican no anexo B do presente acordo. Este anexo poderá actualizarse mediante resolución reitoral.

Para o recoñecemento doutros títulos ou diplomas o interesado/a deberá solicitar perante as Unidades de Xestión Académica o recoñecemento do seu título, diploma ou certificación de lingua estranxeira acompañado do título

original, da que se fará copia compulsada, para a súa comprobación e trámite.

O recoñecemento solicitado estimarase ou denegarase, previo informe do CLM e cos informes que se considere oportuno solicitar, mediante resolución reitoral da USC no prazo máximo de tres meses.

Para a imputación no expediente do recoñecemento do nivel B2 e superiores o alumnado deberá proceder ao pagamento dos créditos a recoñecer. No expediente académico figurarán recoñecidos baixo o epígrafe “*Competencias transversais: Idioma* (indicación do idioma acreditado), cursos realizados ou diploma acreditado, número e tipo de créditos recoñecidos e a mención de “*recoñecido*”.

Os alumnos e alumnas poderán incluír no seu expediente a acreditación de varios idiomas, tanto de nivel B1 como dos superiores. Neste último caso o máximo de créditos a imputar será de 6 ECTS.

## **5.- Recoñecemento como créditos transversais doutras Linguas**

Ao alumnado que teña recoñecido o nivel B1 ou superiores dunha lingua estranxeira poderáselle recoñecer 1 crédito transversal pola superación de Cursos do CLM doutros idiomas diferentes aos que teña recoñecido por B1 ou superiores. Recoñecerase 1 crédito transversal por cada dous cursos de 40 horas o un curso de 80 horas, ata un máximo total de tres créditos.

O procedemento de recoñecemento será o establecido no apartado anterior.

## **6.- Recoñecemento de créditos de Lingua Galega**

Ao alumnado que procede de lugares situados fóra da Comunidade Autónoma de Galicia e que non accedera á USC dende centros de bacharelato da devandita Comunidade, seranlles recoñecidos 1 crédito adicional si acreditan o nivel A2 de lingua galega, 2 si acreditan o nivel B1 e 3 se acreditan o nivel C1, de acordo co establecido no Marco Común Europeo de referencia para as Linguas. A estes efectos, o Servizo de Normalización Lingüística establecerá todos os anos unha proba de nivel. Ao alumnado se lle cualificará de *apto* ou *non apto*.

A inscrición na proba farase no mes anterior ao da súa realización, a través da secretaría virtual. O alumno deberá acreditar que procede de fóra da Comunidade Autónoma de Galicia e que non accedeu á USC desde centros de bacharelato desta Comunidade.

O Servizo de Normalización Lingüística determinará o lugar e as datas para a realización da proba de idioma.

Recepcionadas as actas na Unidade de Xestión Académica, os alumnos poderán solicitar o recoñecemento dos créditos que lles correspondan, para o que deberán proceder a efectuar o pagamento dos créditos a recoñecer.

No expediente académico figurarán os créditos recoñecidos baixo o epígrafe "*Competencias transversais: Lingua Galega, número e tipo de créditos recoñecidos e a cualificación de apto*".

Os alumnos de fóra de Galicia que xa superaran o curso de galego Celga 2 ou superior, poderán solicitar o recoñecemento do nivel B1 na Unidade de Xestión Académica, sen ten que realizar a proba, procedendo a efectuar o pagamento dos créditos a recoñecer. Neste caso, no expediente académico figurarán os créditos recoñecidos baixo o epígrafe "*Competencias transversais: Lingua Galega, curso Celga 2, número e tipo de créditos recoñecidos e a mención de recoñecido*".

#### **7.- Xestión de actas.**

A cumprimentación das actas axustarase ao disposto na Instrución 2/2007 da Secretaría Xeral sobre elaboración informática, cobertura, tramitación, custodia e modificación das actas dos estudos da USC.

As unidades administrativas encargadas da xestión das actas serán: a Unidade de Xestión Académica do Campus Sur, para as probas que se realicen no Campus de Santiago de Compostela, e a Unidade de Xestión Académica de Lugo para as probas que se realicen no Campus de Lugo.

#### **8.- Prezos**

As tarifas pola realización das probas será de 10 euros para os alumnos de Grao e para o resto dos alumnos de licenciatura ou equivalente será de 30 euros. A realización desta proba con dereito a acreditación específica para os que non sexan alumnos da USC implicará o pagamento dunha tarifa de 50 euros. Anualmente estes dereitos poderán ser actualizados polo Consello Social a proposta do Consello de Goberno.

O importe para o recoñecemento dos créditos de idiomas non obrigatorios para obter o título será do 25% do prezo establecido no Decreto de prezos públicos por cada crédito en función da titulación de Grao para a que son recoñecidos, sendo de aplicación as mesmas subvencións, reducións e exencións que as establecidas para a matrícula. A liquidación efectuarase pola totalidade dos créditos a recoñecer.

**CUARTO.-** No anexo I, apartado “ACTIVIDADES SOLIDARIAS E DE COOPERACIÓN”, modifícase o apartado 4 e se engade o apartado 5:

4.- Recoñecemento da participación no programa de titores da USC

Para o recoñecemento de créditos pola participación no programa de titores os alumnos que superaron a primeira fase, formalizarán matrícula na segunda parte. A matrícula deberá englobar a totalidade dos créditos da primeira e da segunda parte (6 créditos). A matrícula formalizarase xunto coa matrícula ordinaria do curso.

O resultado final da avaliación reflectirase nas actas correspondentes asinadas polo responsable da actividade. O contido das actas transferirase aos expedientes dos interesados.

5.- Será competencia da vicerreitoría con competencias en materia de estudantes, en materia de calidade e con competencias en materia de relación exteriores respectivamente, a acreditación da realización das actividades que non sexan obxecto de matriculación.

#### **QUINTO.- Desenvolvemento**

Facultase ao Reitor para ditar un texto refundido nesta materia así como as normas necesarias para o desenvolvemento do disposto neste acordo.

#### **SEXTO.- Entrada en vigor**

Este acordo entrará en vigor ao día seguinte da súa aprobación polo Consello de Goberno da USC.

As tarifas serán aprobadas polo Consello Social, podendo ser actualizadas anualmente.

#### **DISPOSICIÓN DEROGATORIA**

Queda derrogado parcialmente o anexo I (actividades culturais, punto 5) e na súa totalidade o anexo II do acordo sobre recoñecemento de créditos ao abeiro do artigo 12.8 do Real Decreto 1393/2007, do 29 de outubro, e das liñas xerais da USC para a elaboración das novas titulacións aprobado polo consello de goberno na súa sesión do 4 de xullo de 2008 e a Resolución Reitoral de do 5/05/2009 pola que se regula o procedemento de recoñecemento de créditos ao abeiro do artigo 12.8 do Real Decreto 1393/2007, do 29 de outubro no que se opoña ao disposto neste acordo..

Queda derogado anexo II do *Acordo sobre recoñecemento de créditos ao abeiro do artigo 12.8 do Real Decreto 1393/2007, do 29 de outubro, e das liñas xerais da USC para a elaboración das novas titulacións* aprobado polo consello de goberno na súa sesión do 4 de xullo de 2008 e a Resolución Reitoral de do 5/05/2009 pola que se regula o procedemento de recoñecemento de créditos ao abeiro do artigo 12.8 do Real Decreto 1393/2007, do 29 de outubro no que se opoña ao disposto neste acordo.

ANEXO A: Diplomas admitidos para o recoñecemento do nivel B1 dunha lingua estranxeira

**Inglés**

CLM (Centro de Linguas Modernas da USC): Nivel 5 (B1.2) ou superior  
Documentos acreditativos de superación do B1 ou superiores expedidos polas universidades públicas españolas  
EOI (Escola Oficial de Idiomas): Certificado de Nivel Intermedio 2 (R.D.1629/2006) e 3º curso Ciclo Elemental (R.D. 967/1988) ou superior  
Diploma PET (Preliminary English Test)  
Diploma FCE (First Certificate in English)  
Diploma CAE (Certificate in Advanced English)  
Diploma CEP (Certificate of English Proficiency)  
Diploma BEC 1: Preliminary ou superior  
TOEFL PBT: 457 puntos ou superior  
TOEFL CBT: 137 puntos ou superior  
IBT TOEFL: 57 puntos ou superior  
TOEIC: 550 puntos ou superior  
IELTS: 3.5/4.0/4.5 ou superior  
TRINITY: ISE I ou superior  
BULATS: 40 puntos ou superior  
LTE: Level 2  
TELC: B1

**Francés**

CLM (Centro de Linguas Modernas da USC): Nivel 5 (B1.2) ou superior  
Documentos acreditativos de superación do B1 ou superiores expedidos polas universidades públicas españolas  
EOI (Escola Oficial de Idiomas): Certificado de Nivel Intermedio 2 (R.D.1629/2006) e 3º curso Ciclo Elemental (R.D. 967/1988) ou superior  
Diploma DELF B1 (*Diplôme d'Études en Langue Française*) ou superior  
Diploma TCF Niveau 3 (300-399 pts)  
Diploma Alliance Française CEFP 2 (*Certificat d'Études en Française Pratique 2*)

**Alemán**

CLM (Centro de Linguas Modernas da USC): Nivel 5 (B1.2) ou superior  
Documentos acreditativos de superación do B1 ou superiores expedidos polas universidades públicas españolas  
EOI (Escola Oficial de Idiomas): Certificado de Nivel Intermedio 2 (R.D.1629/2006) e 3º curso Ciclo Elemental (R.D. 967/1988) ou superior  
Diploma ZD (*Zertifikat Deutsch*) ou superior  
Diploma (ZD j) (*Zertifikat Deutsch für Jugendliche*) ou superior

**Italiano**

CLM (Centro de Linguas Modernas da USC): Nivel 2 (B1.2) ou superior

Documentos acreditativos de superación do B1 ou superiores expedidos polas universidades públicas españolas

EOI (Escola Oficial de Idiomas): Certificado de Nivel Intermedio 2

(R.D.1629/2006) e 3º curso Ciclo Elemental (R.D. 967/1988) ou superior

Diploma CELI 2 (Certificato di Conoscenza della Lingua Italiana Livello 2) ou superior

Diploma CILS 1 ou superior

Diploma PLIDA B1 ou superior

### **Portugués**

CLM (Centro de Linguas Modernas da USC): Nivel 2 (B1.2) ou superior

Documentos acreditativos de superación do B1 ou superiores expedidos polas universidades públicas españolas

EOI (Escola Oficial de Idiomas): Certificado de Nivel Intermedio 2

(R.D.1629/2006) e 3º curso Ciclo Elemental (R.D. 967/1988) ou superior

DEPLE (Diploma Elemental de Portugués Língua Estrangeira) ou superior

ANEXO B: Diplomas admitidos para o recoñecemento do nivel B2 dunha lingua estranxeira

**Inglés**

CLM (Centro de Linguas Modernas da USC): Nivel 7 (B2.2) ou superior  
Documentos acreditativos de superación do B2 ou superiores expedidos polas universidades públicas españolas

EOI (Escola Oficial de Idiomas): Certificado de Nivel Avanzado 2 (R.D. 1629/2006) e 2º curso Ciclo Superior (R.D. 967/1988)

Diploma FCE (First Certificate in English) ou superior

Diploma BEC 2: Vantage ou superior

Diploma ICFE Vantage ou superior

Diploma ILEC ou superior

TOEFL PBT: 502 puntos ou superior

TOEFL CBT : 178 puntos ou superior

TOEFL IBT: 87 puntos ou superior

TOEIC: 750 puntos ou superior

IELTS: 5.0/5.5/6.0 ou superior

TRINITY: ISE II ou superior

BULATS: 60 puntos ou superior

LTE: Level 3

University of Michigan: Certificate of Competency in English B2

**Francés**

CLM (Centro de Linguas Modernas da USC): Nivel 7 (B2.2) ou superior  
Documentos acreditativos de superación do B2 ou superiores expedidos polas universidades públicas españolas

EOI (Escola Oficial de Idiomas): Certificado de Nivel Avanzado 2 (R.D. 1629/2006) e 2º curso Ciclo Superior (R.D. 967/1988)

Diploma DELF B2 (*Diplôme d'Études en Langue Française*) ou superior

Diploma TCF Niveau 4 B2 (400-499 pts)

Diploma Alliance Française DLF B2 (*Diplôme de Langue Française*)

**Alemán**

CLM (Centro de Linguas Modernas da USC): 7 (B2.2) ou superior  
Documentos acreditativos de superación do B2 ou superiores expedidos polas universidades públicas españolas

EOI (Escola Oficial de Idiomas): Certificado de Nivel Avanzado 2 (R.D. 1629/2006) e 2º curso Ciclo Superior (R.D. 967/1988)

Diploma Goethe-Zertifikat B2 ou superior

Diploma (ZDfB) (*Zertifikat Deutsch für den Beruf*) ou superior

Diploma DSH -1

Diploma MD (*Mittelstufe Deutsch*)

**Italiano**

CLM (Centro de Linguas Modernas da USC): Nivel 4 (B2.2) ou superior

Documentos acreditativos de superación do B2 ou superiores expedidos polas universidades públicas españolas

EOI (Escola Oficial de Idiomas): Certificado de Nivel Avanzado 2 (R.D. 1629/2006) e 2º curso Ciclo Superior (R.D. 967/1988)

Diploma CELI 3 (Certificato di Conoscenza della Lingua Italiana Livello 3) e superiores

Diploma CILS 2 ou superior

Diploma PLIDA B2 ou superior

### **Portugués**

CLM (Centro de Linguas Modernas da USC): Nivel 4 (B2.2) ou superior

Documentos acreditativos de superación do B2 ou superiores expedidos polas universidades públicas españolas

EOI (Escola Oficial de Idiomas): Certificado de Nivel Avanzado 2 (R.D. 1629/2006) e 2º curso Ciclo Superior (R.D. 967/1988)

DIPLE (Diploma Intermédio de Português Língua Estrangeira) ou superior

ANEXO C: Diplomas admitidos para o recoñecemento do nivel C1 dunha lingua estranxeira

**Inglés**

CLM (Centro de Linguas Modernas da USC): Nivel 9 (C1.2) ou superior  
Documentos acreditativos de superación do C1 ou superiores expedidos polas universidades públicas españolas  
Diploma CAE (Certificate in Advanced English) ou superior  
Diploma BEC 3: Higher  
Diploma ICFE Effective Operational Proficiency  
Diploma ILEC Effective Operational Proficiency  
TOEFL PBT: 560 puntos ou superior  
TOEFL CBT : 220 puntos ou superior  
IBT TOEFL: 110 puntos ou superior  
IELTS: 6.5 ou superior  
TRINITY: ISE III ou superior  
BULATS: 75 puntos ou superior  
LTE: Level 4  
TELC: C1

**Francés**

Documentos acreditativos de superación do C1 ou superiores expedidos polas universidades públicas españolas  
Diploma DALF C1 (Diplôme Approfondi de Langue Française) ou superior  
Diploma TCF Niveau 5 C1 (500-599 pts)  
Diploma Alliance Française DS C1 (*Diplôme Supérieure d'Études Françaises Modernes*)

**Alemán**

Documentos acreditativos de superación do C1 ou superiores expedidos polas universidades públicas españolas  
Diploma Goethe-Zertifikat C1 (=antigo ZMP/*Zentrale Mittelstufenprüfung*) ou superior  
Diploma (PWD) (*Prüfung Wirtschaftsdeutsch International*) ou superior  
Diploma DSH – 2  
Diploma OD (*Oberstufe Deutsch*)

**Italiano**

Documentos acreditativos de superación do C1 ou superiores expedidos polas universidades públicas españolas  
Diploma CELI 4 (Certificato di Conoscenza della Lingua Italiana Livello 4) e superior  
Diploma CILS Tre C1 e superior  
PLIDA C1 ou superior

**Portugués**

Documentos acreditativos de superación do C1 ou superiores expedidos polas universidades públicas españolas

DAPLE (Diploma Avançado de Português Língua Estrangeira) ou superior

ANEXO D: Diplomas admitidos para o recoñecemento do nivel C2 dunha lingua estranxeira

**Inglés**

Documentos acreditativos de superación do C2 expedidos polas universidades públicas españolas

Diploma CPE (Certificate of Proficiency in English)

IELTS: 7.5

TRINITY: ISE IV

University of Michigan: Certificate of Proficiency in English C2

LTE: Level 5

BULATS: 90 puntos ou superior

TOEFL PBT: 677 puntos ou superior

**Francés**

Documentos acreditativos de superación do C2 expedidos polas universidades públicas españolas

Diploma DALF C2 (Diplôme Approfondi de Langue Française)

Diploma TCF Niveau 6 C2 (600-699 pts)

Diploma Alliance Française DHEF C2 (*Diplôme de Hautes Études Françaises*)

**Alemán**

Documentos acreditativos de superación do C2 expedidos polas universidades públicas españolas

Diploma ZOP (*Zentrale Oberstufenprüfung*)

Diploma KDS (*Kleines Deutsches Sprachdiplom*)

Diploma DSH – 3

Diploma WD (*Wirtschaftssprache Deutsch*)

**Italiano**

Documentos acreditativos de superación do C2 expedidos polas universidades públicas españolas

Diploma CELI 5 (Certificato di Conoscenza della Lingua Italiana Livello 5)

Diploma CILS Quattro C2

Diploma PLIDA C2

**Portugués**

Documentos acreditativos de superación do C2 expedidos polas universidades públicas españolas

DUPLE (Diploma Universitário de Português Língua Estrangeira)

## MODELO ACREDITACIÓN

### PROBAS DE COMPETENCIA LINGÜÍSTICA

#### ACREDITACIÓN DO IDIOMA CORRESPONDENTE Ó NÍVEL B1

**D./Dona** ....., Secretario/a Xeral da Universidade de Santiago de Compostela,

CERTIFICO QUE:

O/A alumno/a: **«Alumno»** con D.N.I.: **«DNI»** que cursa/cursou os estudos de: «Estudios\_galego» ten superada nesta universidade no mes de <<mes>> de <<ano>> a Proba de Competencia Lingüística correspondente ao nivel B1 realizada polo Centro de Linguas Modernas da Universidade de Santiago de Compostela.

IDIOMA: **«Idioma»**

CUALIFICACIÓN: **«Calificación»**

E para que así conste, a petición do/a interesado/a, expídese a presente certificación, previa comprobación da exactitude dos datos de referencia polo Xefe da Unidade de Xestión Académica onde se custodian, que o asina por delegación en Santiago de Compostela a,.....

O Xefe da Unidade de Xestión Académica do Campus Sur  
(P.D.R. da Secretaría Xeral de 14-07-2003, DOG núm. 158 do 18 de Agosto)

Asdo/Fdo.:

PRUEBAS DE COMPETENCIA LINGÜÍSTICA

ACREDITACIÓN DE IDIOMA CORRESPONDIENTES AL NIVEL B1

D./Dona ....., Secretario/a Xeral da Universidade de Santiago de Compostela,

CERTIFICO QUE:

El/la alumno/a: «**Alumno**» con D.N.I.: «**DNI**» que cursa/cursó los estudios de: «**Estudios**» tiene superada en esta universidad en el mes de <<mes>> de <<año>> la Prueba de Competencia Lingüística correspondiente al nivel B1 realizada por el Centro de Lenguas Modernas de la Universidad de Santiago de Compostela.

IDIOMA: «**Idioma**»

CALIFICACIÓN: «**Calificación**»

Y para que así conste, a petición del/a interesado/a, se expide la presente certificación, previa comprobación de la exactitud de los datos de referencia por el Jefe de la Unidad de Gestión Académica donde se custodian, que lo firma por delegación en Santiago de Compostela a.....

El Jefe de la Unidad de Gestión Académica del Campus Sur  
(P.D.R. de la Secretaría General de 14-07-2003, DOG núm. 158 del 18 de Agosto)

Asdo/Fdo.: